

道德真經指歸

道德真經指歸卷之十一

能九

蜀郡嚴遵字君平撰谷神子註

道者萬物之奧

開導物也

善人之寶

體以

不善人

之所不保

侯拘也

美言可以市

得所欲也

尊行可以

加人比高也人之不善

好為逆也

何棄之有

為龍也

故

立天子置三公

賢聖一也

雖有拱壁

謂輕貨也

以先駟

馬

謂安居也

不如坐進此道

言行修也

古之所以貴此

道者

人心也

何不曰求以得

謂勢則也

有罪以免

以無

為也故為天下貴

尊寵奇也

猶歸木之生也末因於條條因於枝枝因

於莖莖因於本本因於根根因於天地天
地受之於無形華實生於有氣有氣生於
四時四時生於陰陽陰陽生於天地天地
受之於無形吾是以知道以無有之形無
狀之容開虛无導神通天地和陰陽寧調

能九

一

四時決萬方殊形異類皆得以成變化終
始以无為為常無所愛惡與物大同羣類
應之各得所行所謂道者萬物之與善人得之以翕
以張清淨柔弱默默沈沈仁宛和淖潤澤
虛平大小周密纖微無形玄達萬事以歸

無名終始反覆萬福自生動得所欲靜失
所患在人之上威德自明攻堅勝大莫與
為雙此善人之所寶者也凶人得之以發以張堅剛
以疎實動以先驕溢以壯大盛滿以強極
廣修大以無疆照察察以熒熒顯的的以
彰彰彊大終小不禍自生動失所欲靜得
所傷心憂志削乃反正常神氣煩促趨翕
去張鬱約而辭卑拘制而體降迫險而賓
伏慘怛而忠信改容而易節與君子同罪
定而言善臨死而愛身一奉天數變性易

情安貧樂困卑賤為常尊天敬鬼視人如○

王上比牛馬下列犬羊天網以發自然不

聽吁嗟痛哉為戒甚明

不善之人不以保身乃以累真及累

之成方悔不及所謂臨渴掘井不若理於未亂

二者殊塗皆由道

行在前在後或存或亡

善人先道而存凶人後道而亡故

能九

言行者治身之獄也時和先後大命之所

屬也是以君子之立身也如喑如聾若樸

若質藏言於心常處玄默當言深思發聲

若哭和順時適成人之福應對辭讓直而

不飾故言滿天下而不多振動四海而不

速連接萬物而不有辭動天下各得所欲

笑言可
以市也

其經世也氣志宵冥而形容隱匿

居如鶩恐貌似不足俸俸涿涿消如冰釋

遇時而伸遭世而伏與天同憂中心惻惻
計畫不行隨時反側謙虛止足卑損自牧

樂下如水久而不忒下之又下之至於元

極天下應之故能有國

尊行可
以加人

夫何故哉

人之情性樂尊寵惡卑恥損之而怨益之

而喜下之而悅止之而鄙古今之通道而
人心之正理也賢者既然小人尤甚是故

尊美言行事無患矣古之將民何棄之有。
桀紂之吏可令順信秦楚之卒可令順善
所謂人所不故能得其心天下可有不得
善何棄之有其意妻妾不使何以效其然也夫爵尊天
下富有四海威勢無量專權擅柄人之所
畏也。
立天去徒步離卒伍鴻舉龍興起佐
能九天子發道揚德施行所有恩流萬姓光顯
祖考人之所利也。
置三以人之所畏求人
公也之所利言不美行不敬雖執大璧操珍物
而進之安車駟馬而載之則是賢者之心

疑惑下否玄聖深隱君子不來

可以天子有

三公豐利人之祿下修言利之美但恃已

以臨人執玉帛之患人不為之降故云不

如生進也言行修於內則神氣踰於外無有

駟馬之勞寶璧之費海內之士響應風起

俊雄英豪輻至蜂止聖人下之朝多君子

以坐進古之所以貴此道者夫何故哉言

此道故順天地而不已行合人心而不恃名成而

不顯功遂而不有情性自然不以為取將

以順道不以為已萬物歸之為天下宰

所謂

不求以得有罪以免故為天下貴也

為无為形也無事无事聲也味无味名也無大小

多少功也報怨以德報也圖難於易成也為

大於細冥也難事作於易生也大事作於細

巨始終也是以聖人謂明君也終不為大事微也故能成

其大功配人也輕諾者必寡信不可然也多易者必多

難不可也聖人猶難之常計也故終无難始卒全也

指歸神明之數自然之道无不生无有不

生有不无不有乃生无有由此觀之憂不

生憂喜不生喜不憂不喜乃生憂喜故居

禍者得福居福者得禍禍福之主在於元

首為之无形聽之无聲无形聲則深遠故

无功之功大而有功之功小有德之德薄

而无德之德厚

能體不無不有而生元有非禍非福能轉禍福鑒在

機前為於未有故操遠大厚也是以聖人不為有不為亡

不為死不為生游於无有之際處於死生

能凡

曰

之間變化因應自然為常故不視而明不

聽而聰扶安天地飾道養神提挈萬物帝

國治民解情釋意俱反始真

所謂為无為之為應變化

之宜而已未嘗有知故能无所不為也

不為生業不為起事

不加以仁不施以利教以不能導以无識

絕民所樂以順民情縱民所惡以得民意。

也出天傷之戶入長生之路翱翔玄冥優

游太素昧昧茫茫莫知其故敦若昏晦天

下无事所謂事无事之事變已然之意味而已未嘗生思故能至於无事

之於元味察之於无形故能分同異之類

明是非之情為之未有定之未傾勇功不

見知名不稱福不得起禍不得生无福之

福與於无聲无禍之禍息於无名主安民

樂天下太平所謂味无味之味察未萌之類而已未嘗有意故能無所

不故生患而憂之長福而救之戮君而死

之辱父而讎之造難而折之作亂而滅之
召寇而殺之招逆而伐之勇功見而與天
違知名興而與道反動而民悅者勞而德
小為而民喜者為而恩少

若不能為元為
事无事則夫前

大多之利獲此小少之恩大小有
殊咎患不免故云大小多少也

是以忠

信沮壞正事消亡自然伏竄知故翱翔竊

能九

五

功者顯偷權者彰暴亂先利邪偽者昌是

非獲逆天下大傾物失其命家國以喪故

善除患者不若无患之大也起事致治者

不若默然者之貴也

此即不言之
益元為之貴

是以君

子動未始之始靜无无之无布道施德變
化於玄怒於不怒言於不言攻於不敢守
於无端威於不武報怨未萌德是理之根
怨是事之末
欲息未歸本唯修德反真則事物未成而
冥化矣故云動於未始言於不言即報怨
德圖難於易治其本根絕之未兆使不得

然事如秋毫功如太山為大於細治之繇
繇敬而慎之若始若新不為所欲不求所
便常與事反獨守其元與時俱益日進无
疆雖欲不大事物自然是圖難於易
為大於細矣是故
大難之將生也猶風邪之中人未然之時

慎之不來在於皮毛湯熨去之入於分理
微箴取之在於藏府百藥除之入於骨髓
天地不能憂而造化不能治所謂難事也夫
大事之將興也猶水之出於山也始於潤
濕見於漣漣綿綿涓涓流為溪谷汨汨湯

湯濟舟漂石以成江海深大不測大事之作於細

也者是以聖人之建功名也微故能顯幽故

能明小故能大隱故能彰志在萬民之下

故為君王威振宇內四海盡匡懸命受制

莫有能當德與天地相參明與日月同光

聖人終不為大故言多諾者事衆而信不

可然也心多所易者難積而變不可推也

難諾必寡信多易必多難理所然也是以聖人心默而不動

口默而不言目默而不視耳默而不聽動

如天地靜如鬼神不為而成不言而信進

能九

六

則无敵退則不窮身无纖介之憂國无毛

髮之患

聖人體道不事有為與真合德自然无患故終无難夫何故

哉危於不危亡於不亡昭然獨見運於无

形

不危之時常以為危不亡之時常以為亡戰戰慄慄為之未有故免危亡也

其安易持

與身也

其未兆易謀

禍與患也

其脆易破

生也其微易散患未為之未有然未治之未

亂化本合抱之木連人手生於毫末如未九重

之臺山積也起於累土生無根也百仞之高干雲也始

於足下起無分也為者敗之敗所成也執者失之離所欲也

故聖人無為則無敗和自來也無執則無失福自來也

民之從事動有之也於幾成而敗之敗所治也慎終

如始反其初也則無敗事舉無尤也是以聖人謂明君也欲

不欲思無也不貴難得之貨珠玉財也學不學事虛無也

復衆人之所過去末華也以輔萬物之自然助天地也

而不敢為奉素真也

指歸未疾之人易為醫也未危之國易為
謀也萌芽之患易事也小弱之禍易憂也
何以效之莊子曰任車未虧僮子行之及
其傾覆也顛高墮谷千人不能安卵之未
剖也一指摩之及其為飛鴻也奮翼凌雲
罾繳不能連也胎之新乳也一繩制之及
其為牡也羅網不能禁也虎也執羣獸食
牛馬劒戟不能難也故連滴之流久久而
成江海小蛇不死化為神龍積微之善以
至吉祥小惡不止乃至滅亡是故繼體之

君无怨无惡將相和一百姓賓伏鄰國交
市无有讒賊平易不動上下和集當此之
時守之不用威持之不用力无為无事莫
之能克其安易持及至國家將危萬民將殆患
害將興萌而未兆當此之時安危在己不

在於彼謀之不必聖人憂之不必力士正
之於枕席而患禍以止矣其未兆易謀也及至人

君失道大臣怨慙鄰國不市百官衰廢禍
患已生小弱柔毳當此之時賢人深謀生
事起勢未動而患危不加而禍碎其脆易破及

至人君失正大臣譟諍國怨恨百姓猶
豫患禍已起根本末據姦雄將興未得人
助或合而不結或結而不固當此之時尊
賢下衆折肝膽聽微諫求過於已患心不
怨諫士底兵未發而散其微易散然已難於未兆故禍

福作於元名存亡生於微妙二者雲錯變
動風號屈伸波渾進退穀亂聽之不可聞

視之不可見機巧不能事智慧不能判

存亡

禍福之機微如渾穀難見

是故聖人化之以道教之以

身為之未有治之未然不置而物自安不

養而物自全動與福同室靜與禍異天官
宵冥冥莫覩其元治之未亂正之未傾禁
姦之本制偽之端閉邪之戶塞枉之門萌
牙未動形兆未生絕之未見滅之未存教
以无教導以无名知以无知狀以无形治

能九

不得起亂不得生天下无為性命自然

此為

之於未有治之於未亂也夫太山之木本據於陰末託

於陽雙枝布葉華實青青大而合抱高連

百尋者生於无大成於不為

所謂合抱之木生於毫末

也者九重之臺廣大擬於丘陵百仞之高昭

昭冥冥于青霄者以為卑小不為高大

也九重之臺起於累土百仞之高生於足下是也故為大者不大

為小者不小為高者不高為卑者不卑不

大不小乃生大小不高不卑乃生高卑故

為之者不為之跡也不為者為之塗也大不

不小不高不卑即不為者是為之塗也是而大小高卑即為者是不為之跡也

以為成者敗為利者害為生者死為興者

廢執所欲者所欲亡執所思者所思逝執

其身者其身歿執其神者其神退所得无為之塗

而執有元之跡所謂為者敗之執者失之者也故聖人无為為之

以生萬物无執執之以制所欲猶二匠之

造高臺而天地之生巨木自然而已无為无敗

无執无失夫道德不嫉神明不賊和无不通大

元不克存亡自從吉凶自得同道而道得之同失而失

之人窮事敗者釋自然而任知力去其反

而處其覆夫何故哉以求所求而欲所欲能九

人之從事常於幾成而敗者以有求欲而失根本故也夫誠能慎終

如始為所不欲守所不處動於未元反於

未始為若不為有若不有雖若不成物自

然也始皆於道終不失之故无敗也夫使神擾精濁聰明

不達動失所求靜喪所欲者貨與學也唯
能鍊情易性變化心意安无欲之欲樂无
事之事者道與德也貨則擾神學則生偽
能欲不欲則不貴於
貨學不學則日損師真斯乃
合於道德何求過之不復也是人想道如
念親惡貨如失身思无思之思求无求之
求明白四達以學不知巧雕萬物以學不
能反衆人之所務而歸乎虛无欲不欲而
造虛玄學不學而窮妙極達人之所不能
通窮人之所不能測成人之所不能為有
人之所不能得心志玄玄形容睦睦卧如

死尸立如槁木不思不慮若无所識使物
自然今事自事空虚寂泊身无所與萬物
紛紛各如其處魁如阜揭澹如巨表舉錯
廢置常與物反萬物應之故能深遠天下
大覆與神運轉輔天助地不敢生善以輔萬物

之旨然而不敢為也

古之善為道者

自然也

非以明民

信也

將以愚

之心塞其民之難治

均也

以其知之

信也

以智

治國

益事也

國之賊

民傷害也

不以智治國

真也

國

之禍

民命也

知此兩者

門也

亦楷式

元正也

常

知

指式

施王身也

是謂玄德

莫見聞也

玄德深矣

不可見也

遠

矣

不可存也

與物反

與神殊也

至於大順

天下淳也

指歸道德神明清濁太和天地人物若未

若根數者相隨氣化連通逆順昌衰同於

吉凶道德之意天地之心安生樂息憎惡

能九

+

殺傷故命聖人為萬物主利物受其福不

利則獲其恐聖人大懼恐後有患深原所

由莫善自然自然之路要在无形何以明

之莊子曰夫天地不知道德之所為故可

為然也萬物不親天地之所以故不可存

也萬民不識主之所務故可安也四肢九
竅不諭心之所導故可全也夫萬物之有
君猶形體之有心也心之於身何後何先
流行血脉无所不存上下表裏无所不然
動與異事虛以含神中和外否故能俱全

是以昔之帝王經道德紀神明總清濁領

太和者非以生知起事開世導俗務以明

民也將以塗民耳目塞民之心使民不得

知歸之自然也

所謂古之善為道者
非以明民將以愚之

是以

立民於昭昭而身處乎混冥教以不知導

以无形孝悌不顯仁義不彰君王无榮知
者无名无教之教洽流四海无為之為通
達八方動與天地同節靜與道德同容萬
物並興各知其所名實俱起各知其當和
氣流通字内童蒙元知无欲无事无功心

能九

十一

如木土志如死灰不覩同異不見吉凶故
民易治而世可平也是故安者民之所利
也生者民之所歸也民之所以離安去生
而難治者以其知也民知則欲生欲生則
事始事始則坊名作功名作則忿爭起忿

爭起則大姦生大姦生則難治矣

所謂人之難治

以其知多故也故以知為國則天下智巧詐偽滋

生奇物並起嗜欲无穷奢淫不止邪枉纖

纖豪特爭起溪谷異名大禍興矣臣惑其

主于亂其父以白為黑以亡為有名變實

異劫殺生矣恍恍不可安易易不可全卷

甲輕舉海內相攻死者無數血流成川悲

痛怨恨氣感皇天星辰離散日月不光陰

陽失序萬物盡傷山枯谷竭赤地數千天

下窮困至於食人非天之辜上好智能而

(
教萬民也

好智之過遂至於此所謂以
智治國國之賊信不虛也 廢

棄智巧玄德淳樸獨知獨慮不見所欲因
民之心塞民耳目不食五味不服五色主
如天地民如草木巖居安處安樂山谷飲
水食草不求五穀知母識父不覩宗族沲
沲傖傖不曉東西男女不相好父子不相
戀不賤木石不貴金玉叢生雜處天下一
心八極共旨九州同風蠢蟲不作毒獸不
生神龍與人處麟鳳遊於庭翔風嘯嘯體
泉涓涓甘露漠漠朱草榮榮嘉禾豐茂萬

物長生非天之之福主知不知而名无名

也不知之知不名之名是以觀智識愚與

道同符知愚知智與道同旨政教由之或

病或利明於病利大平自至明於利病萬

物自正用智治國為禍為則不用智理國

為福為德此兩者之行可為楷式

常知楷式是故愚智之識无所不克清淨

寧地為類陰福衆世莫見故曰玄德玄德

深矣不可量測遠矣不可窮極與物反矣

莫有能克所謂玄德深遠與物反矣玄德之淪罔蕩輓

道恍惚无形反物之務和道德導神明舍

○

萬國總元方六合之外毫釐之內靡不被

德蒙仁以存性命命終天年保自然哉所謂

至於大順者也

江海所以能為百谷王者所因也以其下之百下

也川故能為百谷王無不也是以聖人謂明君也其欲

上民處至也以言下之順民也其欲先民无禍也以

身後之先女也故在上為人元也而民不重民以存也居

民之前為民倡也而民不害明也天下樂推而上

之民以也而不知民以安也厭非以爭身也故天下

莫能與之爭無不勝也

指歸道德不生萬物而萬物自生焉天地
不舍羣類而羣類自託焉自然之物不求
為王而物自王焉故天地億萬而道王之
衆陽赫赫而天王之陰氣溱溱而地王之
倮者穴處而聖人王之羽者翔虛而神鳳

集九

十三

王之毛者雖實而麒麟王之鱗者水居而
神龍王之介者澤處而靈龜王之百川並
流而江海王之凡此九王不為物主而物
自歸焉无有法式而物自治焉不為仁義
而物自附焉不任知力而物自畏焉夫何

○

○

故哉體道合和无以物為而物自為之化
是故江海之王也非積德政累仁愛流神
明加恩惠以懷之又非崇禮義廣辭讓飾
知故設巧能以悅之也又非出奇行變起
權立勢奮武揚威重生累息百事以制之
也清靜處下虛以待之无為无求而百川
自為來也百川非聞海之美被其德化歸
慕之也又非拘禁束教有界道畫東西而
趨之也然而水之所以貫金觸石鑽崖潰
山馳騁立阜以赴隨江海无有還者形偶

性合事物自然也由此觀之卑損之為道也
大矣百害不能傷知力不能取不戰而
強不威而武默然无為與萬物市夫溪谷
為卑不為東西故能達而不窮江海處下
不為廣大故能王而不休

江海所以能為
百谷王者以其

善下之故
信矣夫

是以明王聖主之欲尚民也以

自然之性盛德之恩容卑辭敬比於庶人
視身如地奉民若天昭然獨知而不可測
卓爾獨能而不可原深察博達而不可塞
聰明並流而不可壅不以役物反以後民

聖人雖有如此之能不以上人以其言下
之不以先人以其身後之故人樂推而人
也故民履之如地託之若神常在民上王
土配天其欲先人處窮寵乘至尊長生久
視樂以无患則去志无身以安萬民身勞
而民佚身後而民先在上而民以生在前

卷九

古

而民以安民以生故戴之而不以為重民
以安故後之而不以為患人所以戴之而不為重者以其
於人有益故居是以天下推而上之引而
人前而人不害是以天下推而上之引而
先之喜而不倦樂而不厭故聖人之王也
非求民也民求之也非利民也民利之也

非尚民也民尚之也非先民也民先之也
故能極弊通變救衰匡亂以至太平上配
道德下及神明淪唐唐含冥冥馳天地騁
陰陽夫何故哉以去心意而後其身也是
故不爭之德因人之力與道變化與神窮

極唯柔知者能順其則

夫如是者豈故王
有人與爭也

事自然不得妄起得之全命持之有理聖
知有性治之有道失其理則王事不成去
其道則性情不則是以聖人信道不信身
順道不順心動不為己先以為人无以天

下為故天下爭為之臣謂哉是言為臣之實千帝萬王不能
行唯得少分即為物主有始无終還復困窮能同其妙不遺身殃是謂襲常永无疆也

天下謂我與我名也大似不肖象无形也夫唯大德盛也

故似不肖反類痛也若肖象所榮也久其小矣逆天行也我

有三寶用也持而保之心所一曰慈悲初二

曰儉慎微也三曰不敢為天下先託後行也慈故能

勇弱生也儉故能廣儉生也不敢為天下先任自

故能成器長後生也今釋慈且勇為聖釋儉且

廣彰也大釋後且先為物也則死矣大命喪也夫慈以

戰則勝

情也民用

以守則固

得民

天將救之

與敵

以惡衛之

生也苞以

善焉士者不武

去強

善戰者

不怒

忠威

善勝敵者不與

反為

善用人者

其得

也為之下

言行

是謂不爭之德

福自

用人之

力

功獲

是謂配天

與天

古之極

聖道

窮也

指歸物有同而異有異而同有非而是有

是而非此君子之所以无患而衆世之所

以憂悲也

日月出入異而明同賢愚形容

是小人則欲出東故有憂何以效之莊子

曰夫日月之出入也同明人之死生也同

形春秋之分也同利玄聖之與野人也同。
容通者之與閉塞也同事道士之與赤子
也同功凡比數者中異而外同非有聖人
莫之能明是以天下嫌疑眩耀結構紛縲
是非是以聖人似不肖。天下皆謂我大以不肖也夫何

故哉得道之士外亡中存學以變情為以
治己實而若虛渾渾冥冥若無所以容疏
言訥貌樸而鄙情達虛无性通无有寂泊
无為若无所止遁名逃勢與神臥起執道
履和物无不理不合時俗與天地友衆人

僭偽以直為醜殃塗異指謂之病矣

夫唯大故

似不肖所以人謂之為病

夫小人則不然博學多識以

鈞智名異行顯功以疑仁賢詐世治俗飾
辭盛容卑體阿順以掄愛恩先指承意以
獲衆心朋黨相結多挾賤人勞鮮而祿重

注九

十六

功寡而爵尊國貧而家富主微而身貴動

權生變竊乘威勢各踰隆盛震動境外僞

奢暴逆縱恣不制順心而卑情忤而奪動

喪民命靜生物穢張目而物傷開口而民

害此時俗之所榮而世之所謂肖者也若

○

○

然者道德所離神明所去天地所憎陰陽
所惡物類不比民人不附動无所不終靜
无所不得生為患害死為福喜衆俗迷妄
浸以相導所獲者微其日甚久其若久也故
得道之士則不然體虛積慈視物如已曰一

慈檢形促容歸於微纖

二曰檢

玄默託後不

為物先合和順理以應自然

三曰不動

靜與衆反出入異門戶不以勇勇故不怒

而天下恐

慈故能勇

不以廣廣故不施而天下

往

能故能廣

不以先先故不言而天下長

不敢為天

下先故能是故出慈入勇出儉入廣釋後

成至長也且先反和逆神動違自然福與之遠禍與

之隣大命以絕神氣散分天地不能安道

德不能存臨死不覺怨命尤天非命薄也

非人賊也安憊樂勢廢道而上力也所謂

且勇釋儉且廣釋後且先則死者也夫慈之為行也甚和以

真動得人力靜合天心卑損弱小為萬物

君匡世救俗和順天人戰不可敗守不可

攻夫慈以戰則勝以守則固者也夫何故哉天地並生變

化无窮方戰之日地為之動天為之震天

降變怪地出風盲鬼神並見為敵起殃祐

我將相助我萬民怒我士卒以至羣生牛

絕其綱馬絕其糧飛禽拊翼獸下而行虎

兕可戰攫鳥可將敵人驚恐伏甲受兵

天將

救之以慈衛也故賢佐勝將之立身也不強不大

不堅不柔剛弱畏武敵即消亡

善為士戰者不武

則損心外意崇體和平辭小託後動靜應

天不以愠起怒不以武興兵

善戰者不怒也

其欲

勝敵常以反行計運无形以收敵神動因

彼之所有變因彼之所為反之覆之以處

其奇故使彼邪我正彼言我聽彼怒我喜

彼動我靜開其所利以利其命

善勝敵用不爭也

人則下之以言示之以利陳之以誠使之

自至

善用人者為下

是以不爭不求以得民意以

順民心秉其要忌

是不爭之患也

彼人離散而我

順比敵欲不亡而不能我欲不存而不得

是用人之力也

當此之時道為之无德為之始神

明為經太和為紀清濁為家萬物為子三

光為佐四時為輔靜為物根動為化首物

類託之无有患咎德與天齊久而不殆自

(
今及古聖能智之道變化終始大自天而王皆○
由此矣是謂配天
古之極也

道德真經指歸卷之十一

道德真經指歸卷之十二

能十

蜀郡嚴遵字君平撰谷神子註

用兵有言

陳記

吾不敢為主

不為

而為客

後

行不敢進寸

不忍

而退尺

率彼

是謂行無行

民

行也忘反攘無臂

傷也

執無兵

敵無

仍無敵

前無人也

禍莫大於輕敵

自恃

輕敵幾喪吾寶

失自然也

指歸道無不有有無不為體和服弱括囊

大威生育羣類莫有能違無有形象為萬

物師得之者安失之者危天地體之久而

不衰何以効之莊子曰夫陰而不陽萬物

不生陽而不陰萬物不成由此觀之有威
無德民不可治有德無為宗廟必傾無德
無威謂之引殃遭運時變身死亡國故人
主者國之腹心也兵者國之威神也夫天
地之間萬國並興小大愚智皆願為君智

能十

盡而服力屈乃窮非有餘力而屈膝樂為
人臣也是以明王聖主放道効天清靜為
首和順為常因應為始誠信為元名實為
紀賞罰為綱左德右威以應不祥天下仰
制莫能毀傷故國可保而民可全也夫德

之與兵若天之與地陰之與陽威德文武
表裏相當隱之玄域不得已而後行故人
君失道好戰自損正事不修邪事作起強
大憍奢紀滅經弛雕琢宮室盈飾狗馬高
臺大囿聲色在後剝屠忠諫尊寵姦好簡
傲宗廟欺侮諸父殘賊暴虐孤人稚子反
逆天地刑戮陰陽剝削道德破碎神明和
氣潰濁變化不通冬雷夏霜萬物天傷縱
橫擊搏謀圖不祥大國驚怖小國奔亡老
弱離散啼哭而行天下憤怨萬民思兵相

率而起我爲後行夫何故哉惟彼先祖皆有神明之德通於天地聖智之勞加於萬民故剖符丹書受土賜姓列爲君王光顯祖考業流子孫是天地之心萬載之功而繼體者不務屈身厲節摩精鍊神修道行

能十

德以奉其先乃忽小善而易小惡日以消息月以陵遲宗廟崩弛國爲丘墟族類離散長無所依鬼神孤魂無所棲息乎嗟夫豈不哀哉是以喻我豪俊說我士卒有言兵卷甲釋兵且今休息激役心移幸於反覆

改過自新變容易則

不敢為主而為客也

遂往不反

為天下賊百姓窮極財殫力屈海內之憂

日以長息蒼天降應禍集其國雖欲未誅

自然不得天人同心我不能剋

不敢進十而退八也

故事為而神否身往而志還形反我志事

逆我身

行無行也

悲彼先聖傷彼萬民無罪於

天遇此何辜雖曰忽然民命在兵發號申

令效以信誠先服者賞後服者傷小下者

利大下者昌壞邑者爵降城者封城邑不

下未剋勿喪有罪者免有能者官老弱得

養死者得葬

報無臂示不傷

德澤洽潤恩愛流行

慈惠和結衆情發揚默然為之神氣相通

執無兵也

彼三軍與我同心姦為我使盜為我

工教我以其計慮告我以其地形因彼所

有奇變乃通法律不苛險阻虛空天人相

得勝出若神前

能十

無留敵計謀不喪敵雖衆

三

多與我構因兩軍相距前若無人

仍無敵也

戰

雖萬全敵不可易易敵生姦亡時失利福

去禍來為天所疾

禍莫大於侮敵

是故雖獲天祐

得人之助猶守之以憂待之以畏出險乘

虛宿舍有備休息處便必依水草填隙塞

惡與敵相距

若敵則亡故不得不爾

變運無形奇出

無眠錯勝無窮功戰無有深微宵宵變化

無始自我親近不知我之所為彼之知力

何得於已故在家者晏然而樂在師者欣

然而喜人懷至誠若為其子去家越境若

衆趣市疾耕力織暮休早起奇入模列不

敢獨有以供師徒如奉父母懸權爭勝敵

人不起未戰而海內正不攻而諸侯下天

地覆載日月所照覩皇皇莫莫各安其土

○

○

夫何故哉意冥發動因天之心不敢由於

我也

兵相望
哀者勝

吾言甚易

知明也無

世易行

行也無

而天下莫能

知通也

莫能行

從能

言有宗

祖不

事有君

自歸

也然唯無我知

味也我是以不吾知

不知也我知我者

希

謂人

則我貴矣

我獨

是以聖人

謂明

被褐

薄其身也而懷玉

厚其神也

指歸夫無形無聲而使物自然者道與神

也有形有聲而使物自然者地與天也神

道蕩蕩而化一天地默默而告蕩而無所不

化默而無所不告神氣相傳感動相報反
淪虛無甚微以妙歸於自然無所不導故
言言之言者自然之具也為為之為者喪
真之數也無為無言者成功之至而長存
之要也是以聖人言不言之言為不為之

能十

四

為言以絕言為以止為絕言之道去心與
意止為之術去人與智為愚為慙無知無
欲無欲則靜靜則虛虛則實實則神動歸
於太素靜歸於自然保身存國富貴無患群
生得志以至長存此言之易知而事之易

行者也而天地莫能知莫能行也夫何故
哉世主好知務順其心不覩太道不識自
然以為為為以言言言息知生事以趣所
安寢以為俗終世被患性變情易深惑遠
迷精濁神擾外實內虛強默生咎強靜生
患故視之而不見告之而不聞非以自嫉
以為不然謂無此理故不行也夫聖人之
言宗於自然祖於神明堂處其反在默言
之間甚微以妙歸於自然明若無見聽若
無聞通而似塞達而似窮其事始於自然

流於神明常處其和在為否之間清靜柔

弱動作纖微簡易退損歸於無為

此言有宗事有

右虛無以合道恬泊以處生時和以固國

玄教以畜民養以無欲導以自然贈以天

地賜以山川富以年歲貴以有身虞以無

龍子

憂寧以無患無欲之不得無樂之不存民

五

若無主主若無民亡於知力依道倚天萬

國和順并為一君是事之盛而業以隆者

也而天下謂之不然

道使之然理無所惑智有味者故不信之

也夫世之莫我知者非我道小而不足以

○

○

知也又非我之事薄而不足為也又非世
之好敗惡成喜禍樂患而故不我從也天
性與我反情欲與我殊智陷於情欲終世
弱於所聞神氣不我我而心意不我然以
不我知也故其明不我能見聰不我能聞是以
深言反而受謗大行遠而得毀獨見之明
不用於世獨聞之聰見羞於民事順神明
者不合於俗功配天地者不悅於衆
知我者希
夫至論大言者總百變要萬方剖判毫釐
之內明顯虛無恍惚之外周密無間歸於

澥昧此乃小節之士所不能聞而隅曲之
人所不能逮也夫鴻鵠高飛終日馳驚而
不知宇宙之外制法之人拘教之士累年
學問終身談論而不知道德之大也且神
明有所不能領天地有所不能理況乎守

衆世之論不覩大要之所由不并宜乎是
故衆俗之所薄賤而得道者之所獨遵也

則我
貴也

是以聖人知而弗為能而不任仁義

而不以為號通達而不以為名堅強而不
以為顯高大而不以為榮言不可聞動不

可形心若江海志若蒼天廣為以立道損

善以益性寂然蕩蕩莫之能明皎然昭昭

莫覩其情頽然默默魁然獨存薄外厚內

賤已卑名去衆離俗與道為常

懷玉

知不知上

反無意也

不知知病

識無識也

夫唯病病

無以

利也

是以不病

害不害也

聖人不病

無憂思也

以其病病

道也

是以不病

比也

指歸道德之教自然是也自然之驗影響

是也凡事有形聲取舍有影響非獨萬物

而已也夫形動不生形而生影聲動不生

聲而生響無不生無而生有覆不生覆而生反故道者以無為為治而知者以多事為擾嬰兒以不知益高年以多事損由此觀之愚為智巧之形也智巧為愚之影也無為逐事之聲也逐事無為之響也智巧

擾亂之羅也有為敗事之網也

愚以無為若形與聲

本也故能生智巧有為者影與響末也故亂敗

故萬物不可和也

天地不可適也和之則失和適之則失適

弗和也而後能和之弗適也而後能適之

言有為智巧逐跡彼生和適之理與時運滅故為則不可不為則可也

故安

世不知危亂不知治若影隨形無所逃之
也不動求影無所得之也故知而絕知不
困於知故自能亡也不知用知亦不困於知
雖亡其用亦不知用之其所以不困則異
為用所以俱不困也
矣而於為不困則一也二俱不用則一也然絕知則為己用
知則為人能十是故聖人操通達之性遊於玄
故異也默之野處無能之鄉託不知之體寂若虛
空奄忽如死心無所圖志無所治聰明運
動光耀四海塗民耳目示以無有庖廚不
形聲色不起知故不生禍亂息矣不言而

宇內治無為而天下已民俯而無放仰而
無効敦慤忠正各守醇性惻惻洋洋皆終
天命死者無謚生者無號若此相繼億萬
無量

以能知不知有此之益故稱上者也

其次情無所樂性

無所喜心無所安志無所利疾不知孝病

不知弟既不睹仁又不識義無有典禮守

其貞幹一如麋鹿一如鴻鴈不在憂喜亦

不離亂若盲若聵無所見聞主無宮室民

無城郭國無制令世無恥辱

以體不足之知所以能為

似病之行故云不知知病識無識也

病故不病與道相託不

言不為威德自作天地和順渾沌磅礴溷
若濁流煥若儼客人物皆愚歸於寂寞動
無形翬靜無圻堦主民俱昌天下啞啞亡
於小利而享大福默而治者計不能計而
度不能度

聖人常似於病所以不病故能與道通同非所計度若異於此

則知故生而邪偶作何以效之夫道德廢淳朴亡奇
物並作知故流行禮節起分度明萬物有
條貫百事有紀綱封疆畫界治邑屋州鄉
里國有忠臣家有孝子錄內略外雙身為
友損彼益此務以相厚彊大重壘小弱亡

有郊祀天地名山大水封於太山禪於梁

父流漸相承或然或否斷獄萬數黥人滿

道臣殺其君子殺其父亡國破家不可勝

數天下享其知故之利獲於死亡之咎

知不

之知而強知於不知即有此之真知由此觀之絕知為福好

能十

知為賊亦明矣故使有德之君變志易心

生息萬事以教其民禱祝請福以至大治

者自然不聽也

今有德之君覺背道與欲則福不成福禮之所以然

也者使彼亡國之君廢智去欲絕為止事修

道行德棄其心意而欲死亡者形亦不從

也今亡國之君暫回心向道則亡不成亡故形不從是故趨舍靡

置王道之形聲也吉凶存亡趨舍之影響

也夫聖人所以能動與天和靜與道合既

能保身又能全國翱翔乎有為之外優游

乎無事之內取福於纖妙之中而舒之於

四海之外聖人體不知之知雖似於病而能無所不為幾微莫失是以杜

夜有為之小而成無為之大故喪明者之

云取福於纖妙而舒之於四海目柱知者之口窒聰者之耳斬巧者之手

與時相隨與和俯仰不為而自成不教而

民治恩加走獸澤及飛鳥者以其損聰棄

智廢為而任道也

以其病病是以不病若不病病是以不為是也

是以順情從欲窮極心意動道守天地靜陶

萬事神靈在己不察不燎身不降席而萬

國自備雖欲不止自然不置也

為背道而從欲雖希

全而必敗是強梁者不得其死理故使然故云自然不置置止也

民不畏威

易為

則大威至

身分

無挾其所居

安卑

無厭其所生

安凶

夫唯不厭

甘之

是以

不厭

不以其為也

是以聖人

謂人若也

自知不自見

不名賢也

自愛不自貴

下萬民也

去彼取此

求諸身也

指歸道德之旨神明之務太和之心天地

之意禍莫甚乎亡福莫甚乎存非獨天道
人物亦然故存身之道莫急乎養神養神
之要莫甚乎素然常體憂畏慄慄震震失
神之術本於縱恣喪神之數在於自專故
太上畏道其次畏天其次畏地其次畏人
其次畏身昌衰吉凶皆由已出不畏於微
必畏於章不慮於小罪必成於大過患大禍深以至滅
亡憂畏元始至於無形運翔戒慎未兆其
道大先動得所欲靜得所安福祿深微淪
於無方戒慎所未兆恐懼所未聞故云正
憂畏於元始致福祿深者也

言若反明而若昏遼遠潢洋莫之能聞伺
命在我何求於天至福以禍大吉若凶天
下醉飽莫之能明是以世俗見近聞淺不
識宵冥之道蔽於微妙之常塞於神明之
理察於毫毛之利不覩丘山之禍肆情行

態無所畏忌言順所然行順所善力能而
取心順妄與驕奢恣睢自專損已忠信所
愛欺殆父母侵凌天地簡傲其主將順情
欲以違天道故起巧立名以代其身施惠
流恩以獲大咎遁福天外追患四海福德

C

求之不能得矣患奔禍馳無所逃矣

以不畏威

則大威至大威以至乃始為善當此之時道德

不能救天地不能解非天之罪也樂高喜

大負威任勢忘憂失畏不求於已也故憂

於身者不恐於人畏於已者不制於彼順

能十

十

於小者不懼於大誠於近者不悔於遠

自能

誠自勵日慎一日故

不禍速而至福近也是以不小其位而居

之以敏不薄所處而厚修其禮不苦卑微

而卑其大始不厭困危而絕其所以樂窮

如達安死如壽雖欲且留亦不得久

不嫌苦其

位處卑小而更修理以革其大
如此甘之不服是以處之不久
何以明之
莊子曰天地之道始必有終終必有始陽
氣安於潛龍故能鑠金陰氣寧於履霜故
能凝冰木善秋毫故能百尋水樂涓涓故
能成海飛禽逸於卵殼故能高翔羣獸預
於胎胞故能遠走是以聖人智達無窮能
與天連變化運動洞於大常猶以積德重
厚釋心意隱聰明憂於溷輓畏於無形竄
端匿迹遁貌逃情反於虛無歸於玄冥身
重天地而不自高德大陰陽而不自彰
是以

聖人自知不自見也託微處寡後下萬民飲食無味

衣服無文方於自飾志不敢淫自愛不棄

道操德與物浮沉養民如子遇衆若君德

歸之天功移於人天下辭讓恩厚固深故

禍而患不能患福不能逃而德不能遁非

能十

十一

道有和而天地偏也戒始慎微和弱忠信

奉道順天與物相參憂畏得意安樂困窮

成敗存亡求之於身

去彼憍盈
取此卑損

勇於敢則殺

安敢傷也

勇於不敢則活

樂長生也常知

此兩者

謂教
活也

或利或害

有利病也

天之所惡

易正
名也

孰知其故

莫能明也

天之道

陽也且

不爭而善勝

因物

形

不言而善應

因物也

不召而自來

物自彰也

坦然

兩善謀

情也

天網恢恢

疎而不失

指歸天地之道

生殺之理無去無就無奪

無與無為為之自然而已正直若繩平易

如水因應効象與物俱起損益取於與事

終始深淺輕重萬物自取殊形異類各反

所生為殺元殺為生首二者相形吉凶

故知生而不知殺者逆天之紀也知

殺而不知生者反地之要也故喜怒有分

生殺有節受天之殃得地之罰當怒不怒
子為豺狼弟為兇虎當聞不聞妻為敵國
妾為大寇當殺不殺受天之害為物所制
當喜不喜蒙天之災獲地之咎當生不生
人君失國庶人沒命故君子殺民如殺身
活人如活己執德體正不得已而後然存
身寧國在於生殺之間生殺得理天地佑
之喜怒之節萬物歸之故剛毅質直操擊
深酷疾邪養正勇敢先失達於守戰明於
開塞長忿美快安靜樂殺便國利民不避

彊大威振百蠻權傾境外得善之半也

於勇

敢之

柔弱畏敵恐情損言深思遠慮臨正

討怨務長寡和博厚積恩利而不害以明
其善與而不奪以顯其名賞而不罰以立
其惠生而不殺以成其仁得善之半

不敢勇於

能十

十二

凡此二功勇敢均計策桀馳射身相非
與天異意與地異心奮情舒志各肆所安
或以千乘變為亡虜或以匹夫化為君王
故物或生之而為福或生之而為禍或殺
之而為福或殺之而為賊二者深微莫能

窮測

二者或利或害不能窮測者是未達

言冥之情不知禍福之分唯得道者

洞曉

未然方能制始非常所及

故生之而

故云二者深微莫能窮測者也

為福者天下之所祐生之而為禍者天下

之所惡也養天下之所惡者傷天下之所

祐養天下之所祐者傷天下之所惡一反

一覆或為玄德一覆一反或為玄賊父事

天地子孫是得故長養而後世昌者生當

生也生物而後亡者生當亡也殺戮而福

至者殺當亡也喪物而禍來者殺當生也

天之所惡不敢活也天之所祐不敢殺也

天之所損不敢與也天之所益不敢奪也
夫當與不當唯天乃定孰與不孰非人所
知故勇於敵者多有傷敗勇於不敢與天
同符是故敢於不敢者之敢動與天同符
靜與地同極天心所惡莫之能辯天之所
惡孰知
故其夫天地之道一陰一陽分為四時離為

能十

十三

五行流為萬物精為三光陽氣主德陰氣
主刑覆載辟類含吐異方玄默無私正直
以公不以生為巧不以殺為工因應萬物
不敢獨行吉之與吉凶之與凶損損益益
殺殺生生為善者自實造惡者自刑故無

為而物自生無為而物自亡影與之交響
與之通不求而物自得不拘而物自從無
察而物自顯無問而物自情此天之
道者也故不
爭而無所不勝不言而無所不應不召而
無所不來寂然澹然無所不圖所謂不爭
而善勝不
言而善應不召而自
來不言而自謀者也惚恍之羅設而無狀
之網施汎淫瀆漠遠達留遲密察無間與
物推移故在前而不可遠在後而不可先
靜作而不可聞進退而不可見終始禍福
吉凶自反非出天外莫之能遁也天網恢
恢疏而不

夫不

民不畏死

身輕其

奈何以死懼之

不能

若使民

常畏死

得其

而為奇者

作福

吾得執而殺之

誅巧

夫孰敢矣

信也

常有司殺者殺

謂大

代司殺者殺

謂人

是代大匠斲

事非

夫代大

匠斲希不傷其手

戒內

指歸人之情性不知而忠信有知而誕謾

得意而安寧失意而圖非窮困而輕死安

寧而愛身何以明之莊子曰夫嬰兒未知

而忠信於仇讎及其壯大有識欺殆兄嫂

○

○

三軍得意則下亡虜窮溪之獸不避兕虎
其性非易事理然也由此觀之民心不得
性命不全則號令不能動也憂愁慘怛樂
非輕死則刑罰不能恐也是故好知之君
憂世勞民祭燎天地除禍去患招善請福

能十

十四

禱祀鬼神變化萬事動以悅民家知戶辯
里有仁賢違天之像專任人心以所見為
明以所論為當廢名實背事情道理塞而
非譽與天下大擾百姓遑遑勞苦疲極困
窮生姦敗敗者榮而有功輕死者肥而安

寧積善者瘦而多憂畏法者飢而多患寡
弱者苦而思死衆强者樂而君王是以天
下趨名爭勢不計是非析毫剖芒視死如
歸乃始告以峻法嚴刑則是禁以所易而
制以所輕也

以至於此則人不畏死奈何以死懼之言不可也

故

刑戮並作姦邪不止賞祿施行而大臣不
使萬民不附諸侯不市國非其國身非其
身也是以聖人之牧民也人主無爲而民
無望民無獲而主無喪也其業易得而難
失也其化難犯而易行也其衣易成而難

弊也其食易足而難窮也故天下除嗜廢

欲樂生惡死者皆重其神而愛其身故形

可制而勢可禁也

人畏死而重生所安者然也

是以俊

雄英豪達通之人不敢作福不敢起威故

法立而不用賞設而不施天何故哉身重

能十

十五

天地物輕鴻毛法峻刑嚴知不敢淫也

人

共畏而獨不畏者有司執德而殺之孰敢犯也是故帝王之道無

事無為目無所視耳無所聽心無所圖口

無所言前後左右各有所任因應以賢安

其成功授以所懷歸以所行爵加明主祿

施進賢作福者身死竊威者宗亡百官趨

賊主無與焉

各有司存不可越代
付物以能是君之道

釋臣任

主則疏遠隱匿親近尊顯君道隔塞政事

亡矣威嚴兩主邪偽並起陪臣陞進君者
得咎君之威勢滅而不揚姦雄豪特令行

禁止百姓冤結萬方失理忠臣悲憂佞巧

大喜名實失當賞罰妄舉是猶使屍起哭

而代大匠斲也

若不付物以能而主代臣
任是代大匠斲而先起

哭真可
怪者夫死人無為而子弟悲者以為死

而不為哭也不與方圓而處大室者任大

匠面身無作也

夫大匠運斤為主人也子弟悲泣為死尸也若死尸

自哭則無人哭之矣人自斷則工人拱手矣工人拱手則大厦不成哭考既無則喪

禮廢矣使屍起哭則哭者亡主人代匠斷則

功不成

必然之理尚被傷手安得成功

是以明王聖主正

身以及天謀臣以及民法出於臣秉之在

君今出於君飾之在臣臣之所名君之所

覆也臣之所事君之所謀也臣名不正自

喪大命故君道在陰臣道在陽君主專制

臣主定名君臣阻塞萬事自明

上下之分必不可監

改君臣位定而萬事自明

故人君有分羣臣有職審分

明職不可相代各守其圓大道乃得萬事
自明寂然無事無所不尅臣行君道則滅
其身君行臣事必傷其國

道德真經指歸卷之十二

道德真經指歸卷之十三

能士

蜀郡嚴遵字君平撰谷神子註

人之飢也

飽不充也

上食稅之多

為美好也

是以飢

食衣

也少百姓難治

盜賊起也

以上有為

已動為也

是以不治

國亂擾也

民之輕死

不自有也

求生之厚

欲不止也

是以輕

死

易患咎也

無以生為

能生也

是賢於貴生

安寧久也

指歸道德之生人也

有分王侯之守國也有分臣下之奉職也

有分萬物之守身也有分稟受性命陶冶

群形開導心意已得以生藏府相承血氣

○

○

(
流行表裏相應上下相任屈申便利視聽
聰明道德之所以分人也含吐覆載雲行
雨施雷風動作日月更代春生夏長秋收
冬藏陰陽和洽萬物豐盛民人動作皆足
以生天地之所以分人也因道修德順天
之則竭精盡神趣時不息抱信効素歸於
無極纖微損儉為天下式各守其名皆修
其德樂生安俗四海賓伏侯王之所以守
任也大通和正直方不曲忠信順從奉其
分職善善惡惡不變名實不小其位不賤

其服臣下之所以守負也。小心敦樸節儉，強力順天之時，盡地之力，適形而衣和腹，而食日出而作，日入而止，不薄所處，不厭所食，萬民之所以守其身也。動靜失和，失道之分，耕織不時，失天之分，去彼任己，失君之分，創作知偽，失臣之分，衣食不適，失民之分，失道之分，性不可然，失天之分，家不可安，失主之分，國不可存，失臣之分，命不可全，失民之分，身不可生。

道德天地君臣吏民動靜

所為各有分部得其分部上下俱全失其所為大小俱困

守分如常與

天地通損已餘分與道俱行祭祀不絕後
世繁昌過分取大身受不祥重累相繼後
世有殃此古人之所以棄損形骸飢寒困
窮者以其動靜不和耕織不時適情順性
嗜欲不厭食窮五味衣重文綵麗靡奢淫

龍十一

二

不知畏天功勞德厚不尅其分衣食之費

倍取兼人也

夫人之所以飢者由上食稅之多更不安其分而相學奢

侈故也

是以身獲其患事及子孫故布衣弊

而不周䟽食乏而不厭百姓之所以偷利
化惡公廢私行營家者富圖國者貧直者

先死廉者困窮風流俗敗是偽非真豪亂
豐擾君子深藏衆寡相暴強弱相凌貧者
臣役富家如王以其淫主亂君不親自然
反情縱欲違道去天飾知創作以順其心
也百姓之難化以上之有為以是淳滂樸滅巧故孽生

奇物日進不可勝形佞諂親幸邪僞者封
臣術大勝君道浸墮弊欺之路飾滅危之
患生忠正之士疏而日遠詐世之人群而
並翔然人不死奸禁不論權立勢行威動
三軍目之所視意之所指應聲而至在所

欲存俱過於世或如彼或如此恍惚悵悵
存不如亡生不如死志勇膽橫瞋目相視
君臣相謀父子相揆湯鑊不能畏鈇鉞不
能止民之所以細其命而大財寶乘危狹
觸重禁赴白刃冒流矢不顧其身得利為
能十一
右者以其欲名之榮而求生之厚也三
輕死以其
求生之厚是以失財亡爵或傷腸析肝狂
易絞頸損精棄神心常樂死擢刃自刑或
赴深水輕死是以是以自然之道常與物反無
身者生有身者死趨利者逢患求福者得

禍不召自来不迎而遇我雖欲勿然世不
得解故生生趨利為死之元也無身去利
為生之根也雌下無名可以無患卑賤汙
辱可以無咎蔬食藜羹可以長厭布衣鹿
裘可以長好無以民為可以康寧無以生

為可以長久

是無以
生為也

是故能除分損已至

於無取卧則如尸立則如表不異變化不
殊生死不貴侯王不賤奴虜唯在所遇聽
造化者然之不憂生之不喜然後與道為
人與天地友長生久視終而復始富貴無

期為天下市

是賢於貴生也

人之生柔弱

神在身也

其死堅強

神去身也

草木之生

柔脆

在陽氣也

其死枯槁

在陽氣也

故堅強者死之徒

亡之形也

柔弱者生之徒

存之容也

故兵強不勝

敵應也

木強則共

生若象也

強大處下

其道窮也

小弱處上

和得

中也

指歸有物俱生無有形聲既無色味又不

臭香出入無戶往來無門上無所蒂下無

所根清靜不改以存其常和淖纖微變化

無方與物糅合而生乎三為天地始陰陽

祖宗在物物存去物物亡無以名之號曰
神明生於太虛長於無物稟而不衰授而
不屈動極無窮靜極恍惚大無小包小無
不入周流無物之外經歷有有之內天行
地馳而不能及陰騁陽騖而不能逮響窮

能十一

四

竭而不能應影靡散而不能類取而不能
以息予而不能以費去取有分無所憎愛
留柔居弱歸於空虛進退屈伸常與德俱
為道先倡物以疏瞿受多者聖智得少者
癡愚故神明聖智者常生之主也柔弱虛

靜者神明之府也

所謂人之生柔弱即神明在身也

夫神

明之在人也得其所則不可去失其所則

不可存威力所不能制而智惠所不能然

苟能攝之富貴無患常在上位久而益安

是以人始生也骨弱筋柔血氣流行心意

專一神氣和平面有榮華身體潤光動作

和悅百節堅精時日生息旬月聰明何則

神居之也及其老也骨枯筋急髮白肌羸

食飲無味聽視不聰氣力日消動作月衰

思慮迷惑取舍相違及其死也形槁容枯

舌縮體伸何則神去之也

其死堅強也

草木之

始生也枝條潤澤華葉青青豐茂暢美柔

弱以和何則陽氣存也其衰也華葉黃悴

物色焦殃及其死也根莖枯槁枝條堅剛

何則陽氣去之也

草木之生柔脆其死枯槁也

故神明

能十一

五

所居危者可安死者可活也神明所去寧

者可危而壯者可煞也陽氣之所居木可

卷而草可結也陽氣之所去氣可凝而冰

可折也故神明陽氣生物之根也而柔弱

物之藥也柔弱和順長生之具而神明陽

○

○

氣之所託也萬物隨陽以和弱也故堅強

實滿死之形象也柔弱滑潤生之區宅也

堅強者死之徒
柔弱者生之徒凡人之性憎西鄰之父者

以其強大也愛東鄰之兒者以其小弱也

燔燒枯槁者以其剛強也簪珥榮華者以

其和淖也

人愛幼而憎老者
由生氣所在多少

是故上無天

子諸侯相侵敵國爭權舉兵相臨柔弱者

勝堅強者窮夫何故哉強大之兵非以順

天地本和弱主慈愛誅驕暴救不足破貪

叨也將恃國家之勢民人之衆好起功名

效其態故利人壤土欲人財貨樂然安傷
夷人宗廟喪人社稷以顯其威重屈約而
畏下乘人之利而申其志親之者死事之
者禍咎責絕逆人心然戮不合天意生而
天下病死而天下利衆弱為一同憂共謀

雖有強名實不得勝

所謂兵強則不勝也

夫何故哉

毒流死結天道不祐也何以明之昔強秦
大楚滅諸侯并郡邑富有國家貴為天子
權傾天下威振四海尊寵窮極可謂強矣
垂拱而諸侯憂躄足而天下恐發號而天

心悲舉事而神明擾亡國破家身分為數
夫何故哉去和弱而為剛強也及至神漢
將興遯逃龍隱萬民求之遂不得免父天
母地愛民如子賞功養善師於天士當敵
應變計如江海戰勝攻取降秦滅楚天下

能十一

六

欣欣立為天子夫何故哉順天之心而為
慈小也非獨人事萬物然矣夫巨木高百
尋大連抱頭剖中門尾判中戶不蒙華實
常在於下千枝萬木舒條布葉青青葱葱
共生其上者以其形大而勢強也

所謂木
強則共

是故神明之道天地之理小不載大輕不
載重故強人不得為王強木不得處上大強
下廉何則強人為王萬國愁憂強木處上則
根本枯槁衆人為大故居下聖人為小故
居上強大居下小弱居上者物自然也弱小

處上
數必然

天之道陰也且其猶張弓有然高者案之補大

下者舉之輔始有餘者損之破滿不足者補

之予虛天之道損有餘均為補不足資寡人

之道則不然所不損不足奉有餘與大

孰能損有餘明達通也而奉天下福生也唯有道者

為無名也是以聖人王謂明也為而不恃無所望也成功不

居去顯榮也不欲見賢畏大殃也

指歸天地未始陰陽未萌寒暑未兆明晦

未形有物參立一濁一清清上濁下和在

中央三者俱起天地以成陰陽七以交而萬

物以生失之者敗得之者榮夫和之於物

也剛而不折柔而不卷在天為繩在地為

準在陽為規在陰為矩不行不止不與不

取物以柔弱氣以堅強動無不制靜無不

與故和者道德之用神明之輔天地之制
群生所處萬方之要自然之府百祥之門
萬福之戶也故智者見之謂之智仁者見
之謂之仁天下以之日夜不釋莫之能觀
夫何故哉以其生物微而成事妙也是以
天地之道不利不害無為是守大通和正
順物深厚不虛一物不主一所各正性命
物自然矣故盛者自毀張者自弛隱者自
彰微者自顯不足者益有餘者損存者自
亡生者自死是非自反吉凶自取損不可
○

逃益不可距禍無常留福無常處各受一

分不得兼有故鱗者無毛毛者無羽解者

無牙角者無齒見於晝者滅於夜得於前

者失於後再便重利未之嘗有

事不並興
利不兩來

不大不小固一不變已中其惘不可得解

是以日中而昃月滿而缺四時變化一消

一息高山之下必有深谷大泉之流必有

激波燦金湯石存于凝冰裂地之端陰陽

所成

此天之道陰極而陽陽極而陰

百工所為靡不由然

夫弓人之為弓也既然既生既翕既張制

以規矩督以準繩弦高急者寬而緩之弦
弛下者攝而上之其有餘者削而損之其
不足者補而益之弦質相任上下相權平
正為主調和為常故弓可抨而矢可行也

天道亦然故
云其猶張弓

夫按高舉下損大益小天地

能十二

八

之道也反天以順民逆天以順道賢者為

佐聖人為主務愛有餘以為左右智者居

上癡者居下能大爵高伎小官卑功黜賞

微勞大祿重侯王之道

人道之所然也

欺敦慤侮

忠信侵暴寡弱臣役愚民奪弛以與張損

○

○

小以益強逆微順顯以容其身此衆人之

道也

所謂損不足
以奉有餘

以大居小以明居晦以

強居弱以衆居寡以達居窮以高居下故
高而不可劑盈而不可毀大而不可破滿
而不可損剛而不可折柔而不可卷孤而

不可制弱而不可取愚而不可賤無而不

可有天地祐之若子人民助之若母與和

常翔與道終始天人交順神明是守至人

之道也

至人常自不有而恒有餘同道洞
物以奉天下所以為有道者也

是以聖人之動無名為務和弱為主隱而

不窮榮而不顯辭貴讓富餘力不取盈國
不入盈人不友恒若有失惕若遭咎履道
合和常與物友通天之經達地之理成功
不居德流不有所謂為而不恃成功不居逃名遁勢玄
冥是處滅端倪迹無形是守寂寞虛空莫

能奪與魁然獨立與天同道夫何故哉憚

道之殃不敢見賢也雖有蓋天之功而不欲見所謂不欲見賢

聖哲之行也

天下莫柔弱於水體和而攻堅強者有原莫

之能先待水成也其無以易之矣若也夫水之勝

強沉萬物也柔之勝剛既不平也天下莫不知事明白也莫

之能行寡能弱也聖人言云傳國式也受國之垢蒙辱也

是謂社稷之主伯為侯也受國不祥殃也是謂天

下之王王為帝也正言若反與事并也和大怨人怨也必

有餘怨民及善也安可以為善失天心也是以聖人謂明

也君也執左契德符也不以責於人道自然也有德司契

求諸身也無德司轍求之人也天道無親正和也常與善

人德相通也

指歸道德所包天地所載陰陽所化日月

所照物類並興紛繆雜亂盛衰存亡與時

變化積堅者敗體柔者勝萬物之理自然
之稱也是故水之所以能觸石貫金崩山
潰堤周流消息淪於無貲廣大無窮脩遠
無涯明不可蔽強不可加濁而能清少能
復多危能復寧疾能復遲與時變化死而
復生浸濡萬物養育群形布施而不費賒
物而不衰注四海而不有功配天地而無
以爲優游毫釐之內翱翔九野之外澤及
蒼天之上無積黃壤之下強扶天地弱沉
毛羽微積集少以成江海上下無常終而

復始進退屈伸近於道者也以其形體柔

弱動靜待時不設首嚮和淖潤滑也故百

工之治殊事異方漚爛金石破堅折剛平

微正妙解緩群形和調五味蕩滌臭腥攻

堅陷大非水不行所謂天下莫柔弱於水而攻堅強者莫之能先

能十一

夫何故哉衆物態能莫之與雙也故水之

滅火砥之利金角齒傷折舌耳無患卑損

制驕暴雌辱勝大怨天下莫不知世俗莫

不聞皆用私心不已莫有能行夫木之勝強柔之勝

剛天下莫不能行也故言為禍正默為害工進為

妖式退為孽容勞而無德苦而無功長去
昭昭久陷冥冥大變為小存化為亡是故
明王聖主將傳國家必有誓言受國之垢
為社稷之主受國不祥為天下王

所謂聖
人有言

何謂受國之垢曰食民所吐服民所醜居

民所使樂民所苦務在順民不遑適已故

民託之如父愛之如母願為臣妾與之俱

死是以處寒磬之地沙石之壤僻迥之國

阨狹之野因辱為榮存其宗祖變禍為福

長為民主

是謂受國之垢
故為社稷之主

何謂受國不祥

曰忍民所醜受民所惡當民大禍不以為
德計在喪國不失天心慮在殺身不失民
福天地與之俯仰人物與之反側隨之東
西附之南北所加者亡所圖者服天下蕩
蕩并為一域向風仰化靡不蒙澤故能矯

能十一

十二

邪振亂無所不克變化滛敗以為敦朴功

德至大名勢窮極

是謂受國不祥故為天下王

夫何故

哉柔心弱志輕已重民安於醜辱也是故

正言若反莫之能覆近而若遠莫之能測

求之大遠莫之能得

皆在已

何則奢侈在已

素儉於人邪枉在躬求正於民患禍生我
請福於天天地示之不能見神明告之不
能聞釋是廢然好用和心身動於此事應
於天去己怨彼天下大昏罔以明法誅以
信刑名實有平賞罰得中公平無私逾失

天意正直不邪益失民心刑戮並用而姦
益起賞深賜重而亂益生當此之時善人

中罔賢者陷刑雖得名實何可善焉

所謂和大

益必有餘怨
安可以為善是以聖人執道之符操德之
信合之於我不以責人故有德之主將欲

○有為必稽之天將欲有行必驗符信求過○

於我不尤於民歸禍於己不怨於人

是以聖人

執左契而不責於人者也故是非自定白黑自分未動

而天下應未令而萬物然

有德司契

無德之人

務適情意不顧萬民政失亂生不求於身

專司民失督以嚴刑人有過咎家有罪名

百姓怨恨天心不平其國亂擾後世有殃

無德司契是故天地之道與人俱行無適無莫

無踈無親感動相應若響與聲靜作相隨

若影與形不邪不佞正直若常造惡與之

不行善與之通柔弱與之相得無為與之

合同

天道無親常與善人信不虛也

小國寡民

狹也

使人有什伯之器

殖財也

而不

用

使遵儉也

使民重死

所得其

而不送徙

安鄉也

雖有

舟輿

余官厚也

無所乘之

民朴也

雖有甲兵

克庫也

無

所陳之

大治起也

使人結繩而用之

反太古也

甘其食

無味美也

美其服

無色好也

樂其俗

便生道也

安其居

自保有也

鄰國相望

各自守也

鷄犬之聲相聞

道理人也

民至老

死

天年盡也

不相往來

友者鮮也

指歸國有大小地有險易民有衆寡貨有

多少形有高卑塗有遠近勢有強弱權有
輕重大勝小易勝險富勝貧衆勝寡高勝
卑近勝遠強勝弱輕勝重物之理也強弱
在將安危在相得失在主存亡在道天無
常與民無常處有德者歸之無德者見背
自然之道也故地廣民衆將勇主嚴不足
以為強甲堅士練城高地深不足以為安
辯利聽察甘言浮說假借阿順不足以為
親割地獻寶結縱連橫黨衆興盛不足以
為全唯有道者無所不制德厚澤深無所

不勝小變為大弱轉為強輕化為重寡易
為衆故君子所處雖小必存小人所居雖
大必亡是以小國之君地狹民少德薄權
輕諸侯不市刑制不禁無有丘阜之阻江
河之險鄰國之親孤特獨處存乎大國之

能十一

十三

間地寒磬而不足割寶幣輕而不足獻將
相不附百姓輕往鄰人重求故無磐石之
固山陵之安常處乎累卵之危然則伐之
不足以為暴德之不足以為多故小國者
危亡之樞而安寧之機也

小國寡人易為
危敗則譙光以

道曰益其高故云危
亡之樞安寧之機也
是以聖人之治小國
也轉禍為福因危為寧
富以舟輿實以甲
兵器械便利衣食有餘
牛馬蕃息畜積充
滿什伯鄰國以固民心
能不為知而不
作滋味不治庖厨不飾
絕身減色身為之

式飲而後食勞而後息
暑服一單寒衣一
複期於和適不厚其服
務以便生不為口
腹賦鮮徭寡民有餘力
并兼之原絕而增
加之流息風俗敦厚
遵儉忠慤有而若亡
能而若劣

此有道之君能使小國寧
人有什伯之器而不用也

夫何

故哉建之以道抱之以德勞佚危寧與民
苦一平心適和聽以督實敬順遜辭以褒
其神聰明盛德以匡流失鄰國不動百姓
和集樂生安壽惡為盜賊當此之時無鍾
鼓而萬物足百姓知洽臣主相得安土樂

生故死於巖穴遷徙去鄉利雖百倍不離

其國

是使人重死而不遠徙者

家有舟輿無所運乘戶

有甲兵無所施力

雖有舟輿無所乘之何雖有甲兵無所陳之何

則將相明知人君有道民務耕織多積為

好鄙朴在上柔弱為右貴忠敬信下力賤

巧法明俗，乏上下相保，未令而民從，不戰而敵，恐求利者不議，難勝，趨名者不圖，無罪塊然獨安，百姓不擾，損知棄偽，復歸太古，結繩而識，期素情而語事，約物修文，亡言寡志，皆合自然，各得其所。所謂復結繩而用之者也。

能十二

十四

蔬食藜羹，無味為甘，布衣鹿裘，無文為好。

甘其食，美其服。危狹險阻，慄慄為寧，寒暑僻迥，厲

以為厚安樂，謠俗便習水土。樂其俗，安其居。道隆

德盛，和睦鰥寡，接地鄰境，各自保守。鄰國相望。

精神不耗，魂魄不毀，性命全完，意欲窮盡。

雞狗之音相聞民人薪菜登山相視澗溪

共浴相去甚近君臣不相結男女不相聚

各自自生至老老而至死非傳主命莫有

來往人至老死不相往來者以至無為而人無欲故

信言不美直也美言不信甘也知者不博歸本

根也博者不知務多也善者不辯辯也辯者不善

言也是故聖人無積其道也既以為人道施已

愈有我益也既以與人道也已愈多我益也天之

道陰也利而不害務以生也聖人之道遠顯為而

不爭名辭也

(
指歸虛實相歸有無相生寒暑相反明晦
相隨陰消而陽息陽息而陰消本盛則末
毀末毀則本衰天地之道變化之機也凡
此數者聰明之門情偽之根嫌疑之尺寸
眩耀之權衡也因其本修其無開以天心

能十一

十五

智以自然要而推之約而歸之察近知遠

觀覆觀反聞名識實見始知卒聰聲見形

以喻得失則是千歲之情同符而萬世之

為共術天地之心可見而鬼神之意可畢

況乎人事哉

此天下之常然故
衆人之所共體也

人懷自然

之道達人情之理秉造化之元明異同之
紀故苦言中適淡淡和德謂之信者下之
所仰於上彼之所取於此強大之元威令
之始民人所助成功之首權勢所因名號
所起也

夫道淡淡無味故信言不
美然事由之成理而顯

故一人

唱而千人和一人動而萬人隨破強敵陷
大衆赴水火之危亡死不旋踵而民不恨
者信也

信雖不美
有此之益

甘言流說衆諾美大謂

之不信何謂不信言而不然謂之不信人

而不信德澤不立威勢不行權重不顯名

號不明賞之不使罰之不禁故上下不附
舉事無功雖貴而無位高而無民孤特獨
處社稷不寧天下望幸盡遇罪刑者美言
也甘言無實反本歸根離末去文元元始
始寡以然衆一以應萬要以制詳約守真
一謂之少聞少聞故能知知者不悖何謂知達
人之情以及神明之謂知知者保身之數
全國之具也上之所依下之所附導天之
經達道之路也故總安危之大範秉治亂
之至要使海內之士盡忠竭能分職奉公

以寧其上權勢流行威德隆盛者知也

者知

雖不博而有此之功所謂心識萬端目闕子能知一則萬事畢也

人事無所窮極衆臣分散謂之博聞博聞

故不知博者何謂不知嫌於天道疑於人

事之謂不知不知之徒安樂萬事內多思

性十二

十六

慮外多喜欲既有所憎又多所惡易誘以

生可脅以死故見奇而動臨危而畏眩耀

物類詭詐時變達通皆達歸於窮困動與

患鄰靜與禍比宗廟危殆萬民散離者博

聞也

此博者不知之過也

四通博達容䟽言訥謂之

不辯輓輓而成默默而信故能成喜

善者不辯

故成善

何謂成善動合天心靜得地意言無

不通默無不利謂之善夫善者君子所本

百行所長吉祥所合萬福所徃流而不竭

用而不絕萬王不變異俗不易天地所與

神明所益故上以順天下以順人為治元

始事之恒常成理萬物覆載群生天下懷

慕繼之無窮者善也

善者雖不辯而有此之功

不識元

首不睹根本誣天誣地誣人誣鬼屬辭變

意故謂之辯抱嫌履疑順心安動尚言美

辭故生不善

辨者不善

何謂不善動與天運靜

與地反言傷人物默而害鬼之謂不善不

善之人分道別德散朴澆醇變化文辭依

義託仁設物符驗連以地天因主熊羆世

俗所尊反指覆意逃實遁名耀人寂泊感

能十一

十七

人無端廢直立偽務以諂君飾辭以愉其

上朋黨以趨主心開知故之迹閉忠正之

門操阿順之術以傾國家之權生息暴亂

長育大姦天下上舌世濁主昏壅蔽閉塞

以之危亡者辯也

辯者之不善而有此之害

是故聖人

慎戒其始絕其未萌去辯去知去文去言
虛靜柔弱玄默素真隱知藏善導以自然
是非白黑昭如日月同異真偽如地如天
空虛無積與物俱變是聖人無積也無為為之與
物俱然畜之不盈散之未既包裹萬方博

者深思不見其緒辯者遠慮不聞其端施
而不屈變化不窮終而復始大明若昏既
以為人已愈佚盡以治人已益明既以生
人已愈壽盡以教人已愈益所謂既以為
人已愈有既
以與人己
愈多也既陽且陰陰而又陽天之利而
道也

不害與天地同生而不殺與神明通建德
流澤常處顯榮辭巧讓福歸於無名為而
不恃與道俱行天道既利而不害聖人則
為而不爭天人雖異利益
是同則天同
道者無間矣

道德真經指歸卷之十三